

tu. Hic obiter & velut in transcursu notetur, Deum sine omni discursu, & definitione etiam, solo simplici intuitu omnia cognoscere. Omnis enim syllogismus, omnis item definitio, arguit intellectum compositum.

De posteriori definitione, videlicet individui creati, sunt hi canones.

1 *Individuum definiendum, est vel substantia, vel accidentis.*

2 *Individuum substantiale est vel rationale, vel non.*

3 *Individuum rationale est persona, ut Themistocles, Julius Cæsar, Angelus Gabriel: & ejus descriptio petenda est ex effectis præcipuis & adjunctis, loco item & tempore:*

Ut, Julius Cæsar fuit primus ille Imperator Romanus author monarchię illius, dictator perpetuus & Pontifex maximus, qui ordinavit annum, quo hodie etiam nunc utimur, & primus Germanos atq; Britannos oppugnavit &c. Augustus Cæsar, primus ille, qui firmavit Imperium, Julii successor, qui triumviratum gessit cum M. Lepido & M. Antonio &c. Istiusmodi descriptiones dicuntur definitiones *περι οὐσίας.*

4 *Individuum non-rationale dicimus omnē substantiā singularem præter personam, put à præter hunc hominem, vel hunc angelum. Hoc ita definiendum, ut vel definitio generalis illi applicetur, vel circumstantiæ illius recitentur; ut causæ, adjuncta, antecedentia, cognata, adversa &c.*

Sic Rhenum definiturus, potest illi accommodare definitionem fluvii, & differentiam à locis, quæ alluit, præcipuis, petere hoc modo: Rhenus est fluvius, seu perennis aquarū decursus, suos fontes habens in monte, qui modernis dicitur Vogel; Rauracos primū in, deinde Alsatiā utramque, Nemetes, Vangiones præterfluens, circa Batavorum fines in tria cornua divisus, totidemque ostiis partim in Mosam fluvium, partim in Oceanum se se exonerans. Sic hæc alce ab aliquo capta in Borussiâ definiri potest animal valde timi-